

**Inatsisartut aalajangiiffigisassaattut siunnersuutigineqarpoq, Naalakkersuisut peqquneqassasut pisortanit ikiorsiissutit pillugit allannguuteqaqqullugit, taamaalilluni namminerisamik illuutillit aammalu inissianik piginneqatigiillutik pigisallit pisinnaatitaaffigilissagaat pisortanit ikiorsiissutinik ikiorneqarsinnaanngortillugit, kræfteqarlutik nappaateqarnertik ilutigalugu katsorsagassanngoraangamik naliginnarmik akissarsionertik unikkallaraangat sulisinnaajunnarnertik pissutigalugu. Nalunaarusiami erseqqissarneqassaaq ajornartorsiut qanoq isikkoqarnerseq aammalu qanoq ikiortarialiunersut taamatut pisinnaatitaaffilissapata. Nalunaarusiaq juli 2022-mi kingusinnerpaamik saqqummiunneqassaaq.**  
(Inatsisartunut ilaasortaq, Erik Jensen, Siumut)

### **Akissuteqaat**

(Isumaginninnermut Suliffeqarnermullu Naalakkersuisoq)

### **Siullermeerinnineq**

Innuttaasut nappaammit eqqorneqartut taamaattumillu nalinginnaasunik isertitaminnik annaasaqarallartartut ikiorneqarnissamut pisinnaatitaapput.

Taamaattumik Naalakkersuisut maanna piareersaasiorpaat pisortanit ikiorsiissutinik aamma suliffissarsionermi ikiorsiissutinik aqqissuusseqqinnerit UPA2022-imi saqqummiunneqartussat naatsorsuutigineqartut.

Pisortanit ikiorsiissutinik aqqissuusseqqinnermi aamma suliffissarsionermut ikiorsiissutinik aqqissuusseqqinnermi aallunneqarput innuttaasut nappaammit eqqorneqartartut, pisortanit ikiorserneqarsinnaatitaasussat, allatigut pisortanit inuussutissamikkut ikiorserneqartanngikkunik. Timikkut nappaatit aammalu tarnikkut nappaatit nappaatini eqqartorneqartuni ilaapput.

Pisortanit ikiorsiissutit piffissami killilimmi tunniunneqartarmata nappaammik eqqorneqarsimasoq taamaallaat pisortanit ikiorserneqartassaaq peqqissinissami tungaanut, suliffeqarnermullu utersinnaalernissaminut, imaluunniit allatigut ataavartunik pilersorneqalernissami tungaanut.

Aqqissuusseqqinnerit siunnerfigaat innuttaasut piffissami sivisuumi sulisinnaanngitsutut inissimalersut nappaammik, ajoqusernermik imaluunniit sulitilluni ajutoornermik peqquteqartumik namminneq angerlarsimaffimmini najugaqaannarsinnaanissaat.

Ajornartorsiut siunnersuutikkut qaammarsaaviginiarneqartoq pisortanit ikiorsiissuteqartarneq pillugu aqqissuusseqqinnermi maanna suliarineqartumi ilanngunneqareernikuuvoq, naatsorsuutigineqarlunilu pisortanit ikiorsiissuteqartarnermik aqqissuusseqqinneq UPA2022-imi saqqummiunneqassasoq.

Namineq illumik piginnittunut tunngatillugu aqqissuusseqqinneq periarfissaqartitsissaaq ikiorsiissutinik tapiissutisinikkut namineq illugisamut tapersorneqarsinnaaneq.

Taamaattumillu nassuiaasiassatut siunnersuutigineqartoq pisariaqarani.

Taamatut oqaaseqarluta Naalackersuisut inassutigissavaat siunnersuut itigartinneqassasoq.